

Ukufyalwa Libili

*Yohane 3:1-8, "...Wipapa ico ntile kuli iwe, uuli
nokufyalwa libili..." (V.7)*

Ifwe twaliishiba ulubuto lwakale lulingile ukufwa, ilyo ulubuto lupya talulafuma mu lubuto lwakale, **lwena lulingile ukubola, mucine cine, tekufwa fye iyo, lelo ukubola panuma lwafwa.** Ifwe twaliishiba cilya ukuba icine. Cilya cintu cimo cine mu kufyalwa cipya cipya. **Ifwe tatubwelela kunuma, lelo tulaya pantanshi ilyo twafyalwa libili.**

Kabili ulya e mulandu wine ndetontonkanya ilelo tatwakwata ukwingi **ukufyalwa cipya cipya ukwa cine cine,** nalimo kuti twakoselesha ne Cebo Atemwa umuntu, **lelo tabafwaya ukubola ku mibombele yakale iyo balimo.** Bena tabafwaya ukufuma muli cena. **Bena balefwaya ukwikala mu mibombele iyakale no kulumbula ukufyalwa cipya cipya Atemwa imbila ya nshita.**

Tulesanga ukutla muli Luther, Wesley, Pentecostals, kabili ne nshita shonse. Bena bacili balekatilila ku mibombele yakale no kulumbula ici, **lelo imibombele ya nshita yakale ilingile ukufwa, ukubola, pakutla kwingaba ukuleta ulya umupya.** Bena bacili balafwaya ukulambatila. Moneni, bena baliishiba imibombele yakale yalifwa, lelo tabafwaya fye ukubola kuli yena. Nomba, **ukubola caba ilyo cena mucine cafumishiwapo.**

Ilyo ukulumbula kwacitwa ukutla bena nabafyalwa cipya cipya...Lelo icakulumbula caba fye icishibilo ca ku fyalwa; **ukubola kulaleta ukufyalwa cipya cipya.** Mulingile ukubola kuli cena nga filya twacitile muli cila nshita, ukupitila muli ba Wesleyan na bambipo...Lelo icintu ca cena ni ci, panuma ilyo ukufyalwa cipya cipya kwafyalwa...Luther aishile ne shiwi limo: “abalungami bakekalila ku citetekelo” (*Abena Roma 1:17*) Cisuma, ena teti atale nakabili ekatilile ku mibombeke yakale. Ena aishile fuma muli yena.

Kabili lyena ilyo ba Calvinist baletete ulukuta lwa Anglican mu mibele ya filya (ukupitila mu masambilisho ya Calvinist) mpaka Lesa aishileleta isambilisho lya Arminian (ico cali John Wesley)...**Imibombeke yakale yalingile ukufwa pakutla iipya ingesa.** Kabili ilyo inshita ya kwa Wesley yapwile kabili inshita shonse atemwa utumabula uto utwaishile ku mupeti munshita yakwa Wesley...Mwamona, ilyo Pentecostal yaishile no kubwekeshapo kwa fyabupe, bena baishilefuma muli ba Baptist, Presbetyrian, Pilgrim Holiness, Nazarenes, Ulukuta lwakwa Kristu (ulwitwa ukuba), kabili na bonse balya; baishilefuma muli cena, ukubola ukufuma kuli cena, **ukusumina ukufyalwa cipya cipya.**

Ukwabula ukutwishika twaba mu nshita ya lukuta lwa Laodikea. Nomba, inkombe yakwe yalaiwa muli Malaki 4:5-6. Ena alilaya ukucicita, kabili ne Mbila ili no kubwesho Icebo – **ukuleta abantu ukubabwekesho ku Cebo. Wene ali no kuleta ukufyalwa cipya cipya ukulingana na Malaki 4.** ^[1]

Ifintu fyonse mucifyalilwa fipashanya ifya bumupashi. Bushe mwaliishiba cilya? **Ifintu fyonse mu cifyalilwa fipashanya ifya bumupashi, te mulandu ifyo**

fili. Tutile, nge ci, ilyo twafyalwa mu Mubili wakwa Kristu, **kwaba ifintu fitatu cisenda ukuleta ukufyalwa kwesu.** Kabili filya e fintu fitatu ifya fumine mubumi bwakwa Kristu ilyo Ena afwile. Kulya kwafumine mu mubili Wakwe, Amenshi, Umulopa, Umupashi (*Yohane 19:33-34*). Bushe cilya cishinka? Ifintu fitatu. Kabili **filya e fintu ifyo tupitamo ilyo twafyalwa libili, ukulungamikwa, ukushishiwa, ulubatisho lwa Mupashi wa Mushilo. Nomba, filya fyonse kuti fyacitwa mu mulimo umo** lelo cisenda...Lelo kuti mwaba mu mibele yakulungamikwa ukwabula ukushishiwa. Kabili kuti mwacetekela pali Shikulu Yesu Kristu nalyo line ukusenda ifiko fyenu pamo na imwe. **Lelo kuti mwaikala mucine muli fyonse fibili mu kulungamikwa no bumi ubwasanguluka uwa mushilo, kabili ukwabulo kukwata Mupashi wa Mushilo.** [2]

Nomba, **tuleiluka nakabili ukutula Lesa apwililika muli fitatu.** Ukusenamina caba fisano. Cinelubali kupwishisha, nge sonde. Lesa apwililika muli Taata, Mwana, Mupashi wa Mushilo. Kulya e kupwililika kwa mutwe wa Bulesa: **fyonse Lesa umo mukumonekela mu mibele itatu atemwa ama ofeshi yatatu ya mutwe wa Bulesa umo.**

Nomba, **kwaba nakabili fitatu mu kupwililika ukwa ntampulo sha kusenamina ku lukuta: ukulungamikwa, ukushishiwa, ulubatisho lwa Mupashi wa Mushilo. Filya efyabapo pa kufyalwa cipya cipya.** Ngefyo ukufyalwa kwa cifyalilwa kwa pashaniwa kuli kwena. Icaba umwanakashi ulefyala akanya, icintu cakubalilapo ico icifuma menshi, umulopa, elyo ubumi. Baibele itila muli 1 Yohane 1:7, **“Kwaba fitatu ifyo ifipela ubunte mu mulu, Taata, Icebo (uyo uwali Umwana), kabili na**

Mupashi wa Mushilo; ifi fitatu fyaba Umo. Kwaba fitatu ifyo ifipela ubunte mwisonde: amenshi, umulopa, no mupashi; ifi fitatu fisuminishanya muli cimo.”

Nomba, Tata, Mwana, na Mupashi wa Mushilo baba Cimo. Imwe teti mukwate Tata ukwabulo ukukwata Umwana; Imwe teti mukwate Umwana ukwabulo ukukwata Mupashi wa Mushilo. Lelo imwe kuti mwalungamikwa ukwabulo ukushishiwa. Imwe kuti mwashishiwa ukwabulo ukwisushiwa na Mupashi wa Mushilo. Ifwe twalishininkisha cilya mu mitantikile ya cifyalilwa. [3]

Ni cinshi Ukubatishiwa na Mupashi wa Mushilo? **Cena caba Mupashi ukubatisha imwe mu mubili wakwa Kristu** (*1 Abena Korinti 12:13*). **Cena kufyalwa cipya cipya. Cena Mupashi wa kwa Lesa ukwisamo ukumwisusha panuna ilyo mwalapila, (pakumfwa Icebo Cakwe,** (*Abena Efese 1:13-14; Yakobo 1:18*) kabili pa kubatishiwa mu menshi ngo kwasuko bwa kampingu musuma kuli Lesa (*Imilimo ya Batumwa 2:38; 1Petro 3:20-21*).

Nga muli ulubuto lwa cine, imwe muli no kumfwa cilya Cebo; Umupashi uuli no kumibatisha mu mubili wa kwa Kristu, ukumwisusha no kumupela amaka, kabili mukapokelela Icebo ca bushiku bwenu ne nkulo (*1 Abena Tesalonika 1:2-6*). [4]

Kabili **efyo nokufyalwa cipya cipya kwaba ukusafya.** Ameni. Ku kamulenga imwe ukucita ifintu ifyo tamwatontonkenye kuti mwacita: ukwiminina pa cifutu no kulisha insango, atemwa ukwimba “ubukata kuli Lesa. Alleluya. Lesa alumbanishiwe! Ubukata kuli Lesa!” Cinshi, uli nokucita nga cipena. Cilya ecacitike ku batumwa: cilya ecacitilwe kuli nasisungu Maliya; ena acitile kwati nakolwa. Ena ali icabusali mu cintu bwingi,

lelo casendele ukusafya kwa bumi pakutila ubumi bwingafumamo. Ameni (*Imilimo ya Batumwa 1:13-14; 2:1-13*).

Kanofye icintu icili conse cafwa no kubola, ubumi teti bwise ukufuma muli cena. Kano fye umuntu afwa no kubola mu matontonkanyo yakwe, Kristu teti engile mu mutima wakwe. Ilyo muleesha ukutontonkanya pa lwenu, “Nomba, nga naya kucipailo no kusosa, ee, Shikulu, ndi muntu musuma; nalamusumina imwe. Nakulalipila icekumi candi. Nkalacita ici,” **imwe mulingile ukufwa no kubola palya pene ku matontonkanyo yenu. Leken i Mupashi wa Mushilo asende icifulo conse no kucita fye icili conse Ena alefwaya ukucita na imwe.** Ukuba ngo wakusafya na cena. Cilya cileumfwika icakutinya, te kuba uwa musalula, lelo cena cishinka. E musango fye weka uo naishiba ukupumaula icintu ukucifumya ukumilenga imwe ukwiluka cena. [5]

Nalasosa icintu cimo, kabili ndefwaya cena ciingile mukati, kabili Lesa afwilishe. **Kuliko ulubali lwa fyamyumfwile ku lwitwa ukuba ulukuta lwa Mupashi wa Mushilo ilelo. Balakulwa nganshi mu fyacimfulunganya, no kubutuka ukuya kulya, pa mulandu balasula icebo.** Bena baya fye capamo, “Owe, twalikwata ukulongana ukukalamba. Alleluya, alleluya, alleluya.”

Nomba, ilyo mwacita cilya, kabili **tamuletwala icisabo ca Mupashi, lyena mulafwa mu mupashi upya.** Imwe tamwalecita cilya; cilya cishinka. Lelo Lesa aishile mupela umupashi upya (*Amalumbo 51:10-11*). Cinshi, umupashi mwakwete, imwe mwalefilwa no ku icetekela mwebene. E ico musangonshi mwingomfwana na Lesa?

E ico Lesa aishile mupela umutima upya, te umo uwakugambika, umutima upya. Yalya mano yenu ayo mu tontonkanishako, inshila ipya iya kutontokanishako. Lyena ilyo Ena amupela inshila ipya iya kutontonkanishishako. “Ee, cilya cishinka. Baibele imoneka ukuba iya mano. Ine shalecetekela cilya. Nalicetekela cena nomba.” nomba, kulya palya ukupuputulwa kwenu ukukalamba. Mwamona?

Bena batila, “Ee, mucine nshilefwaya ukuya kumbo. Ndefwaya ukusumina Kristu.” cilya cili fye bwino. Cilya cisuma. Lulya lutampulo fye lwenu lwakubalilapo.

Elyo Ena atile panuma ya cilya, **“Lyena nkakupela umupashi upya.”**

Ni cinshi cilya? **Ukukabila kupya, “Ndefwaya ukucita icalungama.”**

“Nomba, ninjishiba ndi Mwinakristu, ningile ukuba...Ndi no kupepa umo fye, kabili lyena ndi nokuiposa. Nalaikala fye ku ng’anda muno bushiku, kabili namwishiba, nalacita fye...” tonse utu utunono fye, ni filya fine...Efa aiminine fye pakashita fye. Filya fye fyeka efyo ena alingile ukucita.

Lelo nomba, **ulya e mupashi upya.** Elyo moneni ubutantiko bwa Malembo. **Panuma ilyo mwakwata umutima upya no mupashi upya, Ena atile, “Elyo Nkabika Umupashi Wandi...”** Mwamona? Owe, cinshi? Filya e fyo Amalembo yasosa pano. Bulya e butantiko, ukupenda no butantinko bwa mpendwa ya Malembo: **umutima upya, umupashi upya, kabili lyena Umupashi Wandi (Esekiele 36:24-29).**

Umutima wakwa Lesa upya uo Ena abika muli imwe, wikala fye mukati ka imwe. Kulya e kupema kwenu, uko imfyumfwile yenu ifumina kunse. Kabili Umupashi upya wikala fye pakati ka mutima upya. **Kabili Umupashi**

wakwa Lesa, Mupashi wa Mushilo, wikale fye pakati ka Mupashi wenu upya, kabili palya Wene ulatungulula imyumfwile yenu. [6]

Lelo kwaba fye Ulukuta lumo, kabili kwaba fye inshila imo mwingengila muli lwena, kabili **cilyaabela mu kufyalwa. Imwe mulafyalwa mu Lukuta lwa kwa Yesu Kristu kabili icilundwa ca Mubili Wakwe (1 Abena Korinti 12:4-30), kwi bumba ilya bumupashi ilya ku mulu.** Kabili lyena fishibilo ukutila Kristu ali muli imwe, ekala muli imwe.

Mwe Benakristu, owe, mulingile ukukwata ukwishibana na Lesa palwenu. Pakutila mwingaba umwana wakwa Lesa, **mulingile ukuba ukwishibana na Lesa.** Ena alingile ukuba Shinwe pakutila imwe mwingaba umwana. Kabili **Abana fye Bakwe abaume na banakashi e bapusushiwa, te bamembala ba lukuta, lelo abana baume na bana banakashi.** Kwaba fye icintu cimo icikaleta cilya; cilya ku fyalwa cipya cipya. Ukufyalwa cipya cipya e cintu fye ceka icileta ukwishibana na Lesa. Bushe cilya cishinka? Abana baume na bana banakashi...

Lyena ilyo ici cacitika, kanshi “Ni cinshi ico tucita lyena panuma ilyo twafyalwa cipya cipya?” Abengi nganshi balanjipusha lilye lipusho. “Ni cinshi ico ningile ukucita kanshi, Munyina Branham?” **Nga mwalifyalwa libili, icifyalilwa cenu conse cilapilibulwa. Imwe mulafwa ku fintu ifyo limo mwale tontonkanyapo (Abena Kolose 3:2-3).**

“Cisuma,” mwatila, “Munyina Branham, ilyo nailunda ku lukuta, ninkwata cilya.” Cisuma, lyena ilyo Lesa asosele ukutila Yesu Kristu aba cimo cine mailo, ilelo, no muyayaya (*Abahebere 13:8*); Ena acili alondapa

abalwele; Ena acili alalangisha ifimonwa...” Lelo, Munyina Branham, ulukuta lwandi...” Nomba, imwe tamulafyalwa libili. Mwamona? Imwe teti mube, pantu nga Lesa wine, ngo Mweo Wakwe uli muli imwe, nga filya mwaba mu bumi bwa bashinwe, kabili nga cakutula Umweo wine wakwa Lesa uuli muli imwe, **no Mupashi wine uwali muli Kristu uuli muli imwe**, musangonshi Umupashi wingekala muli Yesu Kristu no kulemba ici elyo kabili ukwisabwela muli imwe **no kukana cilya?** Mwamona? Teti ucicite. **Ukasuminisha icebo conse ukuba ifyo.**

Ilyo ici cacitika, icintu ico muli no kucita lyena, **muli nokusanga ukutula Umupushi uyo uwisa muli imwe ukufuma mu kufyalwa cipya cipya**, imwe muli no kucetekela no kucita ifintu ifili fyonse ifyo Lesa asosa mu Cebo Cakwe kuli imwe ukucita. Kabili ifintu fyonse ifyo Baibele ilanda kuli imwe ukucita, imwe muli no kusuminisha cena na **“Ameni.”** Kabili imwe tamwakaleke akasuba no bushiku mpaka mwapokelela wene. Cilya cishinka. Cilya cishinka. Kabili mu nshita yonse iyi, imwe mucine pa mulu wa fyonse mukatwala icisabo ca Mupashi (*Abena Galatia 5:22*).

Mwatila, “Bushe ndi nokulandila mu ndimi?” **Imwe limbi kuti mwacita cilya, kabili limbi teti mucite. “Bushe ndi no kubilikisha?” Imwe limbi kuti mwacita cilya; imwe limbi teti mucite.** Lelo kwaliba icintu cimo ica cishinka muli no kucita. Imwe mukatwala icisabo ca Mupashi; kabili icisabo ca Mupashi caba kutemwa, ukusekelela, umutende, icitetekelo, ukutekanya, ukunakilila, ukuteko mutima, ukushipikisha. Icipyu cenu tacakabepo...Ibukisheni fye, ilyo mwakwata cilya, cilya cila biko bwanga ku Mupashi wa Mushilo ukutalusha kuli imwe. Mwamona? **Ilyo mwafika pa**

cifulo ukutila mulefwaya ukukansana no uuli onse uo mwakumanya, kuliko icintu cimo icalubana. Ilyo mwaisa ku cifulo ilyo kapyunga abelenga muli Baibele ukutila cena cilubo ukucita icintu cimo, ibukisha fye, tapali Ubwinakristu palya nakalya. “Ku fisabo fyabo mukabeshibila,” efyo Yesu asosele (*Mateo 7:15-20*).

Kabili nga cena Cebo kabili Lesa efyo asosele, **ulyo Mupashi muli imwe ukasuminisha cilya Cebo cila nshita**, pantu uwacine Umupashi wa Mushilo akasuminishanya ne Cebo, pa mulandu Icebo Mupashi kabili Mweo. Yesu atile, “Ifyebo Fyandi Mweo” (*Yohane 6:63*). Kabili nga namukwata Umweo wa Muyayaya, kabili Ena e Cebo, musangonshi Icebo cingakana Icebo? Mwamona? Muntu wa musangonshi mwingapanga Lesa? **Cilya e cintu cimo icakwishiba ukutila muli Mwinakristu, ilyo mwinga suminishanya umupwilapo ne Cebo conse icakwa Lesa, kabili mwaisanga mwebene mu kutemwana na balwani benu (*Mateo 5:43-48*).**

Mwilakansana. Ilyo ulupwa luli mu kukansana, mwikansana nabo. Nomba, mwilakansana. Mwamona? **Icipyu cileta icipyu. Icintu cakubalilapo namwishiba muli no kulenga Mupashi wa Mushilo ubulanda ukutaluka ukufuma kuli imwe (*Abena Efese 4:30*) kabili muli no kutalikisha mumbwekesha. Lyena Mupashi wa Mushilo wene ulaya. Cilya cishinka. Icipyu cileta icipyu, no kutemwa kuleta ukutemwa. Beni abaisulamo no kutemwa. Yesu atile, “Muli ici emo bonse bakeshibilo ukuti muli basambi Bandi nga muletemwana umo no mubiye.” Cilya e cisabo ca Mupashi wa Mushilo: ukutemwa (*Yohane 13:34-35*).**

Kabili bushe mwaliishiba, imwe muli kalenga umunono mwebene? Bushe mwaliishiba cilya? Mucine. **Mwalimona abantu abo mutemwa fye ukuba mupepi; tamwaishiba umulandu, ukuba fye ulyo musango wa muntu wakutemwa.** Bushe tamwamona cilya? Imwe mwalitemwa ukuba mupepi na bena. **Bena balalenga ilye myumfwile ku bumi bekala, umusango balandilamo, insoselo shabo.** Elyo mwalimona balya abo inshita ili yonse mulabataluka. Inshita ili yonse bafwaya ukulanda icintu cimo icabipa, kabili no kulanda pa muntu umo, no kusosa, “Owe, mwe, balya baisa, bena balaebaula umuntu umo. Ena ali muno nombamba; ena alalanda pali uyu mwaume. Fyonse ifyo bali no kucita caba ukulanda imipulwe iya fiko, atemwa icintu cimo pa banakashi, atemwa icintu cimo nga cilya.” Imwe mulapata fye ukuba mupepi nabo. Mwamona? Bena balalenga. **Mukumoneka abantu abasuma nganshi, lelo balalenga ilye myumfwile. Kabili ifintu ifyo mutontonkanyapo, ifintu ifyo mucita, imicitile, ifintu ifyo mulandapo filalenga imyumfwile...**

Mukaleke ine ukumona ifyo mulolekeshapo, ifyo mubelenga, kabili no musango wa nyimbo mumfwako, amabumba mwampana nayo, kabili ndi no kumyeba umusango wa mupashi uuli muli imwe. Mwamona? Ee.

Mulomfwa umwaume ukusosa, “Ine, ukucita ici – ne-ici? Lilye bumba lya...” Ibukisheni fye, nshisakama ifyo asosa; **imicitile yakwe ilalandikisha ukucila ifili fyonse ena engasosa.** Ena kuti apela ubunte, ukusosa ena Mwinakristu (mucine), kabili nalimo ukucita icili conse, **lelo mukamone fye umusango wa bumi ekala. Cilya cilanda ifyo ena aba.** [7]

Lekeni mwebe; mwiilunda fye ku lukuta nombamba. Cilya tacibomba. **Imwe mulingile ukufyalwa libili, te fyakumfwa umfwa, te cintu cimo icinono ico mwasosele, “Cisuma, nalibikisha. Nalilandila mu ndimi shimbi. Nalicita ici, cilya, atemwa icibiye.” Ilyo mucine mukati ka mutima wenu, icintu cimo cilesa ukumipilibula, kabili mulesa mukuba icibumbwa cipya muli Kristu Yesu, imwe mulapokelela Umuntu, Kristu Yesu (Yohane 1:12-13), ilyo ifintu fyakale fyafwa, kabili ifintu fipya fyafyalwa libili; imwe mulalungamika ifintu, ifyo mwalufyenye; imwe mulatemwa abalwani benu; imwe mulapepela balya abamulamata. Lilya e lintu muba Umwinakristu. Icimuti ciishibikilwa ku cisabo citwala.** [8]

Muli Yohane 12:20-25 ifwe tulemona aba Hera balefwaya ukumona Yesu. Bena tabatalile musanga Wene muli Krishmishi, tabatalile musanga Wene mu kabungwe kamo, tabatalile musanga Wene mu cisumino cimo; Ena tatalile basontelela kuli filya. Bushe namumfwikisha cilya? **Lelo Ena abasontelele ku lupanda ku kufwa, ku kufwa. Abasambi abacine batila, “Imwe mulingile ukufwa.” Musangonshi ningeshiba ilyo nafwa?” Ilyo mwaishiba conse ici Cebo ukuba Icine, iyena Icebo cilatendeka ukwikala muli imwe.**

Ngefyo Yesu asosele, **“Ilyo lyonse mwasumina ici Cebo, ici Cebo cikalengwo kumoneka muli imwe. Cikacita icintu cimo cine ico Cena cisosa Cena cikacita muli imwe.”**

Owe, abengi nganshi baleesha ilelo ukuikatilila abene no kusunga itontonkanyo lyobe we mwine, **“Ninkwata inshila yandi ya cena. Nalicetekela ici.” Lelo**

teti musange Kristu mpaka mwafwa kuli mwebene no kumusumina Wene, Icebo, lyena mulasanga Umweo. [9]

E ico Yesu atile, “Mulingile ukufyalwa libili.” **Pakutla mwingafyalwa libili, caba ukuilekelako mwebene no kufwa, kabili Umupashi wakwa Kristu uulesa muli imwe. Lyena tamuba nakabili mwebene; ni Kristu muli imwe, Mupashi wa Mushilo.** Paulo atile, “Ndafwa akasuba na kasuba (*1 Abena Korinti 15:31*); te ine ndi no mweo, te ine, ni Kristu e wabo mweo muli ine” (*Abena Galatia 2:19-20*). Mwamona, Kristu... [10]

Nomba, bena batila, “Buka pepa ubwingi bukamulenga ukuba abafulungana.” **Ifingi ifintu ifyalubana fikamulenga ukuba abafulungana. Lelo buka pepa bwakwa Yesu Kristu, nga muli abafulungana, bulamubika mu mano yenu ayatuntulu. Mwamona? Tamuli abalunga mpaka mwafyalwa libili. Imwe tamukwata amano ayatuntulu mpaka mwafyalwa libili. Umuntu taba mu musango uwalungama mpaka afyalwa libili.** Ena ciswango mu mutima, mpaka ena afyalwa ku mupashi wakwa Lesa, kabili **umupashi wacifyalilwa wa fumishiwamo muli wene, kabili Umupashi wakwa Lesa wa senda icifulo Cakwe ukuteka. Cilya cilamutungulula wene no ku mutangilila mu cine conse no lubuuto** (*Yohane 16:9*). Cilya cishinka. Kabili ngo muntu talecita cilya, ukwabula ukwishiba ukutla ena ali wakuya kumbo, kuliko icintu cimo icalubana na mano yakwe. Cinshi, abantu tabapokelela cena? Cinshi?

Bena balakana ukunwa umuti wakwa doctor, ukufyalya cipya cipya. [11]

Nomba, **bakasambilisha ababufi bakaleta ukufyalwa kwa bufi. Bakasesema bacine bakaleta Icebo, ukufyalwa kwa Cebo, Kristu.** Bakasesema ba bufi bakaleta ukufyalwa kwa bufi, ukufyalwa kwa nkuta, ukufyalwa kwa fisumino, ukufyalwa kwa filonganino. Kabili wacimone ci, munyina wa Pentecostal, **imyumfwile iyabufi, ukweba umuntu ukutila alikwata Mupashi wa Mushilo pa mulandu ena alandila mu ndimi.** Nalimona ifiwa ukulandila mu ndimi, icilembelo ukubikwa panshi no kulembela mundimi shimbi. Cilya tacipilibula nangu cimo. Mwamona, **cena cilingile ukuba ubumi: ku cisabo cabo eko mukabeshibila.** “Munyina Branham, bushe mwalicetekela mukulandila mu ndimi?” Ee, mukwai. “Walicetekela mu kubilikisha?” Ee, mukwai. Ukuba Umwinakristu, ndecetekela cilya. Nalicetekela Icebo cakwa Lesa. **Lelo ngo bumi tabulimo mulya ukutungilila cena...**

Ukuya kunse kulya uwatumikwa, “Ubukata kuli Lesa, alleluya,” kabili lyena mulenjeba ukutila cilya ni Kristu? **Kristu ali uwapetama, uwafuka, uwanakilila.**

Kabili kutiken, nomba ndesosa icintu cimo pano; ndefwaya imwe mukutike. **Yalya amano ya ulyo musango aya bufi (Namwishiba ifyo amano ya bufi yaba?) yatungulwile abantu ba million ku kufyalwa kwa bufi. Bakasambilisha ba bufi batungulwile abantu ukucetekela mu fya kumfwa umfwa, “Pa mulandu mwali tutwime onse fye, mwalikwete Cena.** Owe, pantu mwaishilekwata imyumfwile imo iyaibela iyapitile pali imwe, mwalimwene ama lubuuto ku ntanshi yenu, kabili mwaishile pofula no kutelenteta, lilya likoti lya Eliya ilyabikilwe pali imwe. Cilya cishinka, imwe mwali kwete Cena. Owe, na mwishiba ifyo muli? Imwe muli umwana wakwa Lesa uwa sokololwa.” Nikwisa uko

muleisanga mwebene? **Abacimfiwa.** Cilya cishinka. “Ubukata kuli Lesa, nalile inshita imo iya bushiku kabili nalikwete iciloto.” Owe, ee. “Owe, nalimona ici, cilya...” Ee. “Bushe tamwacetekela mu filoto?” Ee, mukwai, mucine ndacita. **Lelo nga cakutila cilye ciloto tacilesuminishanya ne Cebo cakwa Lesa, lyena cintu calubana.** Ici Cine apa; ikaleni muli Ici. Ee, mukwai. **Ukutungulula ba million ku kufyalwa kwa bufi, tontonkanyeni fye...**

Nga mwafyalwa kuli Lesa, imwe muli abasambwa mu menshi ya Cebo (*Abena Efese 5:25-27*), **abapatulwa ku fintu ifya mwi sonde, no kucetekela Lesa.** Imwe mwalifwa. Mwalifwa ku matontonkanyo yenu mwebene, abafwa ku melenganyo yenu mwebene, **abafwa ku fyashala kano Icebo cakwa Lesa** (*Abena Kolose 3:1-4*); **Cena ciikala muli imwe, ukubombela ukupitila muli imwe,** ukushininkisha ukutula cena Cebo cakwa Lesa. Mwatila, “Ndi uwafwa kwi sonde. Ndi uwafwa kwi sonde, Munyina Branham.” No kukana Icebo cakwa Lesa?

Yesu atile, “Ifi fishibilo fikakonka abo abacetekela.” Nomba, tuleisa ku fyo ukufyalwa libili kupilibula. Mwamona?

Nalyo line ne cipyu, nalyo line umunkalwe, uwafikansa, umo asosa icintu cimo pali imwe, muli fye abaiteyanya ukulwa, lyena ukufyalwa ku Mupashi wakwa Lesa? Iyo. Umupashi wakwa Lesa taucita nga filya. Iyo. Umupashi wakwa Lesa walipetama, uwafuka, uusuma, uwatekanya. Ulya ni Lesa. Ukutemwa, uwacikuku, ukubelelo luse, ulya e Mupashi wakwa Lesa. Owe, ee.

Lelo bena bali nokwikatilila kuli cilye cilonganino, no kulandila mu ndimi, ukusesema, ukubomba imisango yonse iya milimo. Yesu atile bakacita: **“Ukukwata imimonekele ya bukapepa”** (11 *Timoti 3:1-5*). Ukwikatilila ku cilonganinino pa mulandu ulya e shibo; bena bafyalilwe muli ulya shibo cilonganino. **Lelo nga mwafyalwa ukufuma kuli Lesa, Uyu e Shinwe; Ena e Cebo, Icebo.** Temulandu ubwingi bwafya kumfwa umfwa mukwata, nalyo line umwana wakwa Satana mpaka mwaba abafwa kwi sonde no kuba aba mweo muli Kristu.

Umweo, uusuma nangu uubi, imfwa taipilibula wene. Umweo nicinshi? **Wene ni mwe. Imwe muli mweo, iciputulwa mukati ka imwe.** Kabili ilyo mwafwa, umusango uuli onse ulya mweo ukabelamo, ulya e musango uya. **Wene ulaya ku cifulo ca uko.** Imwe teti muufumyemo te mulandu ifyo mwingacita pali wene; **ulya mweo ulingile ukupilibulwa pano, ukufyalwa libili.**

[12]

Mwilaesha ukukwata ifyakumfwa umfwa atemwa icintu icili conse ukusenda icifulo ca Mupashi wa Mushilo. **Ilyo kufyalwa cipya cipya kwaisha, imwe mu lapilubulwa. Imwe tamulingile ukucitapo nangu cimo ukushininkisha cena, ubumi bwenu bulashinikisha cena.** Ilyo muleenda, ukutemwa kwenu, umutende, ukutekanya, ukunakilila, ukufuka, ukushipikisha, filya efyo mwaba. Kabili **isonde lyonse lilamona ukumonekela kwa kwa Yesu Kristu muli imwe.**

Nomba, kulandila mu ndimi, ukubilikisha kulya, ilya mibele iyo ikonka ubumi bwa uyu musango. Kabili imwe kuti mwasenda no kupashanya iyi mibele no kukanakwata bulya Bumi. Tulemona cena. Nibanga

abaishiba ukutila cilya cishinka? Mucine, icine mulacita. Mwe, mulemona cena ukumushinguluka fye monse.

E ico, takuli nangu cimo ico mwingasosa ico icaba ikishininkisho ca Mupashi wa Mushilo, **kano fye bwena bumi bwenu ubo mwikala. Nomba nga mulefwaya ukulandila mu ndimi, cilya cili fye icapwililika nga muleikala ubumi ukushininkisha cena.** Cilya cishinka. Kabili nga mulefwaya ukubilikisha, cili fye, cilya cisuma. Ndabilikisha, na ine, ndaba uwansansa nganshi inshita shimo teti mfwale insapato, nalitemwa ukushifulako. Kabili cilya cisuma. Nalicetekela cena. ^[13]

Umwakumona:

- [1] “Ukukalipwa Kwakupapa” (65-0124), par. 76-81, 170- 171
- [2] “Ukusambilila Pa Fiwa – Mu Ciputulwa ca Mubili” (53- 0608A), par. 56-57
- [3] “Ulubuto Talwakabe Nabupyani Pamo Ne Cikapa” (65-0218), par. 48-50
- [4] “Inshita ya Lukuta Iwa Surmuna,” CAB pg. 154
- [5] “Inshita ya Lukuta Iwa Efese” (60-1205), par. 96-97
- [6] “Ukupashanya kwa Bwinakristu” (57-0120M), par. 110- 114
- [7] “Bushe Ubumi Bwenu Bwaliyana Ne Mbila Nsuma” (63-0630E), par. 137-153
- [8] “Amenso Yabo Yaliiswike” (57-0421E), par. 88
- [9] “Mukwai, Tulefwaya Ukumona Yesu” (61-1224), pg. 15 +30
- [10] “Ukubila Imbila Nsuma Ku Mpela” (62-0603), par. 57
- [11] “Mulandunshi? (60-0309), par. E-19, E-25
- [12] “Mulingile Ukufyalwa Libili” (61-1231M), par. 129-131, 107-111
- [13] “Abahebere Icipandwa ca 5 na 6” (57-0908M), par. 138-140